

videlicet Rex Assyrius transtulit victos in Assyriam, vt transtulit Salmanassar Assyrius deuictos Israelitas, in regionem subditam Assyriæ. ¶ Vnde fit Damascenos venisse ex Cyrene, siue Kir Assyriæ, ad habitandum in Damasco: vt Amos. 9. dicitur. Et quia Mesopotamia, quæ iuxta Assyriam est vocatur Arā fluuiorum, idèd Syri inde venientes, regioni Damascenæ Aran dedere nomen. vocataque est regio Damascena Syria: sicut Mesopotamia dicitur Syria fluuiorum. ¶ Antequam hinc discedā notare libet, vbi nos habemus, habentem sceptrum de domo voluptatis, Hebræis est, de domo Heden. est autem Heden proprium nomen eius loci, in quo paradysus consitus erat. Ita enim Moses. Plantauit Dominus Deus hortum in Heden, ab Oriente. Videant docti, an proderit hic locus nostri Prophetæ ad subodorandum, vbi erat paradysus? ¶ Notandum etiam vbi textus noster habet de campo idoli Hebræis est, de cāpo, seu valle Auen, vnde colligitur idem idolum à Damascenis adoratum (scilicet vitulū) fuisse adoratum ab Israëlitis, ita iubente Ieroboam, & collocante vitulum aureum in Bethel, quæ postea domus Auen, propter vitulum ibi constitutum, vocata est. Eundem vitulum adorabant Aegyptij, vocantes eum Apin. vnde coniectura fit, corrupto vocabulo Hebræos Apin vocasse Auen. Nam Hebræi non proferunt literam, p, durè, sed blande, vt dixit Lyranus. & Saraceni non proferunt p, sed prop, dicunt b. ¶ Iam Christiane Lector

Amos 9.

Genes. 2.

3. Reg. 12.

Lyranus.